

# PROPISI O KURBANU

Senad Ceman

Hvala Allahu dž.š. koji nas ucini sljedbenicima Njegova prijatelja Ibrahima i miljenika Muhameda a.s.

Uzvišeni Allah dž.š. u Mudroj Knjizi kaže:” **Do Allaha neće doprijeti kurbansko meso niti krv njihova, ali će Mu stici iskreno ucinjena dobra djela vaša.**” (Sura Hadždž,37.)

Kurban kao i ostali ibadeti ima svoje propise od kojih su najznacajni sljedeci:

## Definicija kurbana

1.*Kurban je:* klanje odredene životinje u tacno odredeno vrijeme sa namjerom približavanja Allahu dž.š.

## 1. Historijat kurbana

Propisan je druge godine po hidžri, kao i zekat i bajram namazi. Utemeljen je Kur'anom, Sunetom i Idžmaom (konsenzusom) svih muslimana, evo nekih od dokaza toga:

Kur'an:” **Zato se Gospodaru svome klanjaj i kurban kolji.**” (Sura Kevser,3.)

Sunet:” **Najbolji posao koji covjek može za vrijeme kurbanskog Bajrama uraditi, a to je ujedno tada i najdraže djelo Allahu, jeste puštanje krvi svome kurbanu** “... (Buhari i Muslim)

Kurban kao ibadet je sam po sebi opceprihvacen medu svim muslimanima i u svim vremenima.

**Smisao (hikmet) kurbana je:** Zahvalnosti Gospodaru na mnogobrojnim blagodatima a posebno blagodati života i zdravlja i što nam iz godine u godinu daje priliku otkupa za ucinjene grijehе.

Važno je napomenuti kako je kurban poseban ibadet te da placena sadaka u vrijednosti kurbana ne može zamjeniti prinošenje žrtve kurbana.

**2.Propis (hukm) kurbana:** Kurban je vadžib (stoga dužnost) svakog slobodnog, imucnog muslimana koji nije musafir na dan Kurban bajrama (El hidaje fi šerh bidajetil mufteda, 2/354)

Dokaz tome su Resulullahove savs rijeci:” **Ko ima mogucnosti da zakolje kurban pa ga ne zakolje, neka se ne približava našoj musali ( mjesto gdje se klanja Bajram namaz)** “– Subulu sselam, 4/178, hadis 1265.

## 3. Uvjeti (šartovi) valjanosti kurbana:

- i) **Uvjeti da bi kurban bio vadžib.** Mogucnost (kudret) osobe da ga kupi ili posjeduje. Osoba koja preko svojih osnovnih potreba posjeduje vrijednost nisaba smatra se imucnom i takvoj osobi je klanje kurbana vadžib.
- ii) **Uvjeti da bi životinja mogla biti kurban:** Sacuvanost od mahana koje obicno štete po zdravlje životinje ili uticu na kvalitet i kolicinu mesa. Resulullah savs kaže:” **Cetvero ne može biti kurban: životinja jasne coravosti, bolesna ocitom bolešcu, sakata vidljivom mahanom i iznemogla i neuhranjena životinja.**”(Subulu sselam, 4/182, hadis 1267.)

Kurban koji od uhranjenosti ne bi mogao stajati je valjan kurban. Najbolji kurban je kurban bez ikakvih mahana.

c) **Uvjeti osobe koja je dužna zaklati kurban:** Da je ta osoba: musliman, slobodana, punoljetana, razumana, imucna, mukim (da nije musafir), da to cini sa nijetom kurbana, tojest da svi koji ucestvuju u kurbanu imaju isklucivo nijet kurbanske krvi i mesa. Tako, ako bi ucestvovalo 7 osoba od kojih samo jedna od njih ucestvuje radi mesa a ne radi kurbana, kurban ne bi bio valjan ostaloj sestorici. Takoder kurban akike (koji je sunnet za novorodence) ne može biti u zajednickom kurbanu više osoba na dan Bajrama.

**4. Vrijeme klanja kurbana:** Prvi dan Bajrama nakon Bajram- namaza ili vremena potrebnog za obavljanje tog namaza za one koji ga zbog valjanih razloga nisu klanjali. To je sunet po hadisu Bera ibn Aziba:” **Prvo cime cemo poceti ovaj naš dan je klanjati, potom se vratiti i zaklati, ko tako postupi postupio je po našem sunetu, ko zakolje prije namaza to je samo meso za njegovu porodicu i u tome nema nicega od obreda kurbana.**” (Nasbu rraje, 4/212)

Pored prvog dana Bajrama kurban se može zaklati drugi i do pred zalazak sunca treceg dana Bajrama. Prenosi se od Omera, Alije i Ibn Abasa r.a da je Allahov Poslanik savs rekao:” **Tri su dana klanja a prvi je najbolji.**” (Nasbu rraje, 2/213).

Mekruh je obavljati klanje nocu prvog ili drugog dana Bajrama zbog mogucnosti greške izazvane pomrcinom kao i zbog siromaha koji uglavnom dolaze danju kao i zbog odstupanja od osnova a to je klanje po danu.

Ako bi prošlo vrijeme klanja a kupljeni kurban ne bi bio zaklan, takav kurban se daje živ u sadaku jer je on, uobicajnom pravu (urfu), kao i zavjetni kurban.

Ako se namjenjeni kurban izgubi ili bude ukraden pa se kupi drugi a potom se pojavi prvi najbolje je zaklati oba. Ako bi zaklali prvog dovoljan je, ili drugog pod uvjetom da je isti ili bolji od prvog. (El fikhul islami ve ediletuhu, 3/606).

#### 5. Vrsta životinje koja može biti kurban

i) Kurban može biti samo jedna od “behimetul en'am”: deva, krava ( od nje je bivolica), ovca ili koza. Nije zabilježeno od Poslanika savs ili ashaba da su kao kurban zaklali nešto drugo mimo tih vrsta, jer je cin kurbana u uskoj vezi sa životinjom baš kao i zekat sa vrstom imetka.

Resulullah savs je zaklao za kurban dva ovna koji su bili bijeli i rogati a on je radio ono što je najbolje.

Sve što je kurban teži i skuplji bolji je, shodno Allahovim dž.š. rijecima:” **Ko velica znakove Allahove vjere – znak je cestita srca.**” (Sura Hadždž, 32.) A kurban je jedan od svima prepoznatljivih (šeair) znakova Dini Islama.

ii) Kurban mora biti određene starosne dobi: deva od najmanje pet godina, govece od najmanje dvije godine, koza od jedne godinu ili ovca od šest mjeseci.

**6. Jedan kurban je dovoljan za jedno domacinstvo.** Ibn Madže i Tirmizi bilježe od Ebu Ejuba: U vrijeme Resulullaha savs covjek je klao jedan kurban za sebe i za svoje ukucane, pa su jeli i dijelili. Tako je bilo sve dok ljudi nisu postali ovakvi kakvim ih danas vidiš.

**7. Ovca i koza mogu biti kurban samo za jednu osobu.** Deva i govece mogu biti kurban za najviše sedam osoba. U Džabirovom hadisu stoji:” **Klali smo sa Resulullahom savs u Godini Hudejbije devu za nas sedmero i kravu za nas sedmero.**” ( Muslim, 2/955, hadis 1318).

#### **8.Lijepo je (mendub ) kod kurbana slijedece:**

- cuvati (svezati) kurbana na nekoliko dana prije Bajrama zbog pripreme i ushicenja za tim ibadetom.
- Obilježiti ga vješanjem necega oko vrata poistovjecujuci ga time sa hedjom ( kurbanom za one koji obavljaju hadž).
- Blago ga voditi do mjesta klanja i klanje izvršiti oštrim nožom.
- Zaklati ga svojom rukom jer je to obred približavanje Allahu dž.š. (kurbet) a takva djela je bolje uraditi licno sobom nego opunomociti drugog.

Resulullah savs je poklonio Haremu 100 kurbana, 60 i nekoliko je zaklao svojom mubarek rukom a ostale Alija r.a. (Nejlul evtar, 5/105)

- Prisustvovati klanju kurbana shodno rijecima Resulullaha savs Fatimi r.a:” **Idi do svog kurbana, budi mu prisutna. Sa prvim kapima kurbanske krvi se brišu svi tvoji grijesi. Reci: INNE SALATI VE NUSUKI VE MAHJAJE VE MEMATI LILLAHI RABBIL ALEMINE LA ŠERIKE LEHU VE BI ZALIKE UMIRTU VE ENE EVVELUL MUSLIMIN.** (*Namaz moj, i obredi moji, i život moj, i smrt moja doista su posveceni Allahu, Gospodaru svjetova, koji nema saucesnika; to mi je naredeno i ja sam prvi musliman, Sura El En’am, 162-163.ajet*) **Prisutni ashab upita: Allahov Poslanice, je li to samo za tebe i tvoju porodicu ili za sve muslimane? Za sve muslimane, rece.** (Nasbu rraje, 4/219)
- Prilikom klanja prouciti: BISMILLAHI, VALLAHU EKBER, ALLAHUMME HAZA MINKE VE LEKE , ALLAHUMME TEKABEL MINNI KEMA TEKABELTE MIN IBRAHIME HALILIKE. ( *U ime Allaha, Allah je najveći, Gospodaru moj ovo je od mene Tebi, o Allahu, primi ga od mene onako kako si ga primio od tvoga prijatelja Ibrahima*)

**9. Cilj kurbana kao ibadeta je postignut onog momenta kada se krv prolije.** Lijepo je trecinu mesa zadržati za sebe, trecinu podijeliti kao sadaku a trecinu podijeliti kao poklon rodbini, prijateljima i komšijama. Allah dž.š. kaže:” **... jedite ih, a nahranite i onoga koji ne prosi i onoga koji prosi.**” (Sura Hadždž, 36.)

**10. Kurban za drugog:** ako je taj drugi živ nije dozvoljeno zaklati kurban za njega osim sa njegovim odobrenjem. Dozvoljeno je zaklati kurban za umrlog i sa tim se kurbanom postupa kao i sa kurbanom živog, tojest ostavlja se i dijeli. Ako je umrli oporucio i ostavio sredstva za kurban onda je obaveza cijelog ga podijeliti. (El fikhul islami ve ediletuhu, 3/635).

**11. Nije dozvoljeno prodavati dio kurbanskog mesa, vunu ili kurbansku kožu.** Resulullah savs je rekao:” **Ko proda kurbansku kožu taj od kurbana**

**nema ništa.”** ( Nasbu rraje, 4/218). Dozvoljeno je zadržati kožu za vlastite potrebe u domaćinstvu.

**12. Nije dozvoljeno unajmljenoj osobi koja kolje kurban dati bilo koji dio tog kurbana.** Nadoknadu za uloženi trud će dobiti iz drugog imetka mimo kurbana. Alija r.a. prenosi da je Resulullah savs rekao:” **Nemoj davati mesaru ništa od kurbana. Mi ćemo mu dati od nas.”** (Mutefekun alejhi)

**13. Osoba koja kolje kurban može biti samo musliman, nikako ehlu kitab (kršćanin ili židov)**

Molimo Allaha dž.š. da ukabuli naš kurban i naša dobra djela. Amin.